

Cyngor Sir CEREDIGION County Council

ADRODDIAD I'R:	Pwyllgor Craffu
DYDDIAD:	20fed o Fedi, 2021
LLEOLIAD:	Siambwr y Cyngor, Penmorfa
TEITL:	Diweddariad ar gefnogaeth yr Awdurdod i Ysgolion wrth iddynt baratoi at fabwysiadu Cwricwlwm i Gymru
PWRPAS YR ADRODDIAD:	Er gwybodaeth
RHESWM PAM BOD Y PWYLLGOR WEDI GOFYN AM Y WYBODAETH:	

CEFNDIR:

Mae dros chwe blynedd ers i Lywodraeth Cymru benderfynu comisiynu'r Athro Graham Donadson i adolygu Cwricwlwm a Threfniadau Asesu Cymru. Dyna oedd cychwyn y daith i lunio cwricwlwm newydd i ysgolion Cymru.

Ers i'r llywodraeth gytuno i fabwysiadu'r 68 argymhelliad yn adroddiad yr Athro Donadson, sef Dyfodol Llwyddiannus, gwnaethpwyd buddsoddiad enfawr i ryddhau athrawon i greu cwricwlwm newydd i Gymru. Cyrhaeddwyd y fersiwn derfynol o'r cwricwlwm ddiwedd Ionawr y llynedd. Y bwriad oedd rhoi cyfle digonol i ysgolion gyfarwyddo gyda'r egwyddorion a'r cynnwys ac i arbrofi gyda'i gyflwyno, cyn bod y cwricwlwm dod yn statudol ym Medi 2022. Yn anffodus, fodd bynnag, mae Covid wedi amharu gyda'r bwriad hynny yn rhannol.

Mewn ymateb i hynny, cyhoeddwyd haf eleni y bydd y cwricwlwm yn parhau i ddod yn statudol i bob blwyddyn ysgol yn y cynradd yn 2022, ond bydd yn cael ei gyflwyno'n raddol yn yr uwchradd yn 2023, gyda bl.7 ac 8 yn derbyn y cwricwlwm newydd yn gyntaf ac yna wrth iddynt hwy symud trwy'r Ysgol bydd y cwricwlwm newydd yn teithio gyda nhw.


Y SEFYLLFA AR HYN O BRYD:

Yn sgil Covid, newid yn y Ddeddf ADY a pharatoi at fabwysiadu cwricwlwm newydd, yn ddiós, mae ysgolion yn wynebu'r cyfnod mwyaf o newid a welwyd erioed yn hanes addysg yng Nghymru.


Fel Adran Ysgolion rydym yn ymwybodol iawn o'r pwysau sydd ar ysgolion ac yn gwneud popeth o fewn ein gallu i'w cefnogi wrth iddynt drawsnewid eu darpariaeth i gwrdd â'r disgwyliadau newydd.

Rydym yn darparu'r gefnogaeth ganlynol i ysgolion:

1. Ymestynnwyd secondiad ein **Cydlynnydd Cwricwlwm i Gymru**, sef Catrin Thomas, Pennaeth Ysgol Gynradd Aberaeron, am flwyddyn ychwanegol gan ei bod wedi bod yn amhosibl iddi gyflawni ei gwaith yn unol â'r cynlluniau gwreiddiol oherwydd Covid. Addaswyd rhaglen waith Catrin y llynedd fel ei bod yn medru parhau i yrru agenda Cwricwlwm i Gymru yn rhithiol. Bu'n rhedeg hyfforddiant rhithiol bytiog rheolaidd oedd yn fodd effeithiol iawn o barhau i ffocysu ar egwyddorion ac elfennau'r cwricwlwm newydd sef y pedwar diben, y chwe maes dysgu a phrofiad, y sgiliau trawsgwricwlaidd ac yn bennaf y deuddeg egwyddor addysgeg. Yn wythnosol derbyniodd ysgolion fwydlen o'r hyfforddiant oedd ar gael, gweler esiampl isod.



Cwricwlwm i Gymru
Curriculum for Wales



Wythnos - Week 22-26.2.21		
Dyddiad Date	Cynulleidfa/ Audience	Hyfforddiant/ Training: Ymuno/ Join Sianel CiG Tim Athrawon Ceredigion TEAMS CfW Channel
22.2.21 4-4.30pm	Athrawon a chynorthwyr	All-gydio yn CiG: Prif Egwyddorion ac athroniaeth CiG: Pam? Sut? Beth? Pryd? Cofrestru yma
22.2.21 2-2.30pm		
24.2.21 2-2.30pm	Teachers and Support staff	CfW Refresher: Core principles and philosophy of CfW. Why? How? What? When? Cofrestru yma/ Register here
24.2.21 4-4.30pm		
24.2.21 10-11am	Athrawon (Cymraeg)	Cyd-gerdded drwy Addysgeg: Rhaglen 12 sesiwn pythefnosol yn ymglyfarwyddo â'r 12 egwyddor addysgeg yn defnyddio adnodd 'Egwyddorion Rhagoriaeth' ERW. Cofrestru yma
25.2.21 4-5pm	English next week.	

Am wybodaeth pellach cysylltwch â/ For further information contact: Catrin.thomas@ceredigion.gov.uk

Bu'r dull cyflwyno'n un hynod effeithiol gan fod staff ysgolion yn medru cael mynediad i'r hyfforddiant er gwaethaf y pandemig a gan nad oedd y sesiynau'n rhai maeth, roedd y staff yn medru ymuno heb lawer o effaith ar eu diwrnodau gwaith arferol. Roedd y

sesiynau ar gael yn y ddwy iaith ac yn cael eu hail adrodd er mwyn darparu mwy o gyfleoedd ymgysylltu.

Yn ogystal, mae Catrin yn darparu cefnogaeth un i un i ysgolion parthed datblygu'r cwricwlwm o fewn ysgolion. Mae hefyd yn cadw ei bys ar ddatblygiadau cenedlaethol ac yn rhoadru gwybodaeth berthnasol gyda'r adran a'r ysgolion.

Mae'r **Cydlynnydd Cwricwlwm i Gymru** hefyd yn arwain **Rhwydweithiau Meysydd Dysgu a Phrofiad**. Prif bwmpas y rhwydweithiau Meysydd Dysgu a Phrofiad yw datblygu modelau o ddulliau cynllunio a fydd yn cael eu cyflwyno fel 'penodau' dysgu i ysgolion Ceredigion. Mi fydd y 'penodau' dysgu wedi eu selio'n fras ar y cysyniad o 'Gynefin' a datblygu cwricwlwm lleol, 'blas o'n bro'. Hyderwn y bydd y penodau dysgu yn enghreifftio sut i gyflwyno'r cwricwlwm newydd yn draws ddisgyblaethol a bydd hyn yn rhoi hyder i ysgolion wrth ddylunio eu cwricwlwm eu hunain, sef un o brif ddisgwyliadau'r cwricwlwm newydd.

2. Mae **Tim Athrawon Ymgynghorol Ceredigion** wedi llunio a dechrau darparu **hyfforddiant ar y Maesydd Dysgu a Phrofiad** ar ddwy lefel. Tymor yr haf diwethaf darparwyd hyfforddiant haen un, sef hyfforddiant yn ffocysu ar gyfarwyddo gyda strwythur y Meysydd Dysgu a Phrofiad, ac yna'r tymor hwn bydd yr hyfforddiant haen dau yn ffocysu ar edrych yn fanylach ar agweddau penodol o'r Meysydd Dysgu a Phrofiad.

Mae pob un o'r sesiynau hyfforddiant haen un wedi eu recordio yn y ddwy iaith fel bod mynediad parhaus gan yr ysgolion atynt. Bydd hyfforddiant haen 2 yn cael eu cyflwyno fel fideos fel bod ysgolion yn medru cael mynediad atynt ar ddiwrnodau cau yn unol â'u trefniadau lleol.

Mae cwmwl Covid wedi sicrhau datblygiadau sylweddol mewn sgiliau a defnydd o ystod eang o adnoddau TGCh ar gyfer addysgu ac ar gyfer hyrwyddo Datblygiad Proffesiynol Parhaus ein gweithlu. Un adnodd sydd wedi cael ei ddatblygu gan Dîm Athrawon Ymgynghorol Ceredigion dan arweiniad Kay Morris, ein Uwch Athrawes Ymgynghorol Technoleg Gwybodaeth, yw gwefan adnoddau Ceredigion sy'n eistedd ar blatfform Hwb.

Mae tair rhan i'r wefan;

1. **Y Cynnig Dysgu Proffesiynol**, lle restrir yr hyfforddiant a chyfleoedd datblygiad proffesiynol parhaus mae'r adran yn ei gynnal i'n hysgolion ar gyfer y flwyddyn gyfredol.
 2. **Trysorfa Adnoddau**, sef llyfrgell o wefannau, adnoddau addysgu parod a fideos o hyfforddiant sydd wedi eu cynnal eisoes.
 3. **Rhannu Arfer**, sef casgliad o astudiaethau achos sy'n arddangos a rhannu arfer dda.
3. **Secondiad Uwchradd**. Mae'r Awdurdod wedi secondio Gareth Evans, Dirprwy Bro Teifi'n rhan amser, fel Cydlynnydd Ymholi ac Ymchwil. Nod y rôl hon yw arwain ar ystod o gyfleoedd ymchwil ac ymholiad proffesiynol i staff ysgolion Ceredigion. Mae'n cynorthwyo ysgolion i ddatblygu ymhellach ymagwedd 'Ysgol fel Sefydliad sy'n Dysgu' gan wreiddio egwyddorion

ymchwil, ymholi a chyd-weithio sefydliadol fel sail ar gyfer gwreiddio gwelliannau. Fel cerbyd ar gyfer cyflawni'r gwaith, sefydlwyd Cynllun Cadwyni. Mae Cadwyni yn gerbyd ar gyfer sicrhau cydweithredu a rhwydweithio effeithiol ac ystyrlon rhwng ymarferwyr a rhwng ysgolion er mwyn datblygu darpariaeth a safonau. Mae'n tynnu ysgolion sydd â blaenoriaethau a diddordebau tebyg at ei gilydd er mwyn goresgyn heriau. Mae'n dyfnhau partneriaethau mewn cyfnod o newid mawr ac yn sicrhau cysylltiadau gwerthfawr rhwng ysgolion o bob cefndir a maint. Mae'r defnydd o ymchwil yn greiddiol i waith Cadwyn ond hefyd, mae'r gadwyn yn darparu plattform ar gyfer rhannu allbwn y gwaith ar draws ysgolion.

Rydym yn darparu cyfleoedd rheolaidd i'n hysgolion i leisio barn am eu hanghenion ac am ansawdd a natur y gefnogaeth rydym yn ei ddarparu. Gwneir hyn mewn amryw o ffyrdd, e.e. holiaduron, sesiynau un i un gyda phenaethiaid a.y.b ac o'r herwydd rydym yn hyderus ein bod yn cwrdd â gofynion ein hysgolion. Er gwaethaf maint yr heriau sy'n eu wynebu ar hyn o bryd, rydym yn hyderus ein bod yn cynnig cefnogaeth fydd yn sicrhau fod pob ysgol yn llwyddo i ymgorffori'r newidiadau sydd ar y gweill yn llwyddiannus.

LLESIANT CENEDLAETHAU'R DYFODOL:	Oes Aseiad Effaith Integredig wedi ei gwblhau? Os na, esboniwch pam		Nac oes er gwybodaeth yn unig.
	Crynodeb:		
	Hirdymor:		
	Cydweithio:		
	Cynnwys:		
	Atal:		
Integreiddio:			
ARGYMHELLION:			
Er gwybodaeth			
RHESWM DROS YR ARGYMHELLION:			
Enw Cyswllt:	Mary Davies		
Swydd:	Rheolwr Corfforaethol Gwella Ysgolion		
Dyddiad yr Adroddiad:	Medi 2021		
Acronymau:			

